

Natus est Marcus-Antonius M.CCCC.XXXVI. circiter annum. Per-  
 specto ejus ingenio prompto & acri, curavit pater, ut, quam libera-  
 liter per ipsum posset, educaretur. Adhuc adolescentulus Romam pro-  
 fectus; aliquandiu *Gaspere Veronensi & Porcellio*, qui patria *Neapolitanus*,  
*Romanus* erat domicilio, praeceptoribus est usus. Inde ad *Domitium Cal-*  
*devinum*; ipsum quoque *Veronensem*, se contulit; quo tempore cum ad  
 latinam poesim haberet miram facilitatem, ad quinque carminum mil-  
 lia composuit, quae jam aetate provecior laceravit omnia, paucis ex-  
 ceptis, quae meliora sunt visa: sunt fortassis *elegiae* quae etiamnum inter  
 ejus poemata editae leguntur. Apud *Porcarios* etiam, quae tum fami-  
 lia & generis nobilitate & doctrinis omnibus habebatur perillustris, se  
 & fratrem admodum adolescentes esse institutos, idem *Sabellicus* te-  
 statur *Decadis III. libro VII. (a)*. Nondum vero adolescentia egres-  
 sus, fama allectus qua tum *Pomponius Laetus* celebrabatur, hujus vo-  
 luit esse auditor; eoque magistro sermonem suum excolere, & a fae-  
 culi illius sordibus purgare aggressus est. Haec fere omnia excerptimus  
 ex ipsius ad *Foresium* epistola. *Romae Pomponio, & Domitio Veronen-*  
*si dedi operam ADOLESCENS: audiveram tamen nonnihil ANTEA Gasparem*  
*Veronensem & Porcellium poetam. Scripsi ad quinque millia carminum*  
*adolescens sub praeceptoribus: quae omnia adultus abolevi, praeter pauca, quae*  
*ex illis non omnino displicuere. Falso igitur Jovius narrat, eum Tibure, ubi*  
*ludimagistrum egerat, Romam migrasse illico ad Pomponium, qui*  
*certe postremus illi & optimus magistrorum fuit, & cui fatebatur*  
*palam se debere, quidquid sibi literarum esset: ita ut quadam ad*  
*Pomponium eundem epistola (b) hiscemet verbis gratum animum*  
*suum illi significet. Ego, quod ab ineunte adolescentia feci, te unice colo*  
*& observo: augeturque magis in dies vetus hoc meum in te studium: augetur*  
*amor, observantia, pietas: & brevi nihil est te uno mihi carius: cui quicquid*  
*sumus in his studiis, non minus libenter, quam grate refero acceptum. Aliis-*  
*que verbis alia epistola (c) suum animum declaravit, quam dedit ad*  
*Venetum quemdam patricium ex Trivisana gente. Ego siquid in his stu-*  
*diis, quae sibi nomen ab humanitate vendicant, profeci, id, post Deum opti-*  
*imum, Pomponio Laeto refero acceptum.*

(a) p. 43. no-  
vis. hujus  
editionis.

(b) Epist.  
lib. I.

(c) Lib. II.

Cum magni ejus viri gymnasium *Coccius* frequentaret, factus est  
 praecipuum *Romanae Academiae* ornamentum: instituerat illam *Pompo-*  
*nium* ad exemplar *Academiae Neapolitanae*, quam *Antonius Panormita*  
 condiderat; & senior *Pontanus* illustrarat. Et cum illius *Academiae*  
 lege sancitum esset, ut quo die corona donabantur literati homines  
 (quod magna hominum celebritate fiebat in *Capitolio*, ubi erat *Pom-*  
*ponii* domicilium) nomen sibi novum imponerent, ex *graeca* vel *ro-*  
*mana* antiquitate desumptum, quod tamen aut a priori nomine pa-  
 rum abluderet, aut facile natale solum innueret; id fuit in causa,  
 ut idem *Coccius*, institutum hoc secutus, auctore *Pomponio*, tum  
 praeceptore suo, *SABELLICUM* deinceps vocari se vellet.

*Vicovarum*, ejus patria, inter *Aequos* sive *Aequicolas* populos ponitur,  
*Marfis* conterminos. At *Sabellicus* posuit illos in *Sabinis*, qui *Aequis*  
 finitimi erant: quod eo facilius adductus est, ut crederet, quod in  
*Aequorum Sabinorumque* finibus *Vicovarum* jacet. *Sabinus* vero, *Sabellus* &  
*Sabellicus* antiquis idem sonat. *Sabellicum* nomen usurpat *Virgilius* in  
*Georgicis* libro III.